

ՏԻՐԱՆ ՄԱՐՈՒԹՅԱՆ

ԱՎԱՆԻ ՏԱՀԱՐԻ ԿԱՌՈՒՅՄԱՆ ԺԱՄԱՆԱԿԸ

Առանձնատիպ ՀՄՍՀ ԳԱ «Լրաբեր հա-
սարակական գիտությունների» ամսագիր,
1980 թ 2

Ե Ր Ե Վ Ա Ն—1980

ԱՎԱՆԻ ՏԱՃԱՐԻ ԿԱՌՈՒՑՄԱՆ ԺԱՄԱՆԱԿԸ

ՏԻՐԱՆ ՄԱՐՈՒԹՅԱՆ

Հայաստանի առաջին բաժանումից (387) 204 տարի անց՝ 591 թ., այն երկրորդ անգամ բաժանվեց Պարսկաստանի և Բյուզանդիայի միջև: Եթե 387 թ. բաժանման գիծն անցնում էր Կարինով, ապա 591 թ. այդ գիծը շարժվեց դեպի արևելք: Արարատյան նահանգի զգալի մասը սահման ունենալով Ազատ գետը, պարսկականից անցավ բյուզանդական տիրապետության տակ:

Մորիկ կայսեր (582—602) հրամանով Հայաստանի նոր բաժանմամբ իր տիրապետությանն անցած մասում հայ լուսավորչական բնակչությանը հունարավան-քաղկեդոնական դարձնելու նկատառումով հայոց եկեղեցին ևս տրոհվեց երկուսի ու այդ ժամանակ էլ բյուզանդական մասում գտնվող Ավան գյուղաքաղաքը և նրա կաթողիկե եկեղեցին դարձան հակաթոռ կաթողիկոս Հովհան (Յոհան) Բագարանցու նստավայրը: Հայաստանի՝ Պարսկաստանին անցած մասում հոգեւոր կենտրոնը շարունակում էր մնալ Դվինում, որտեղ դեռևս 574 թ. գահակալում էր Մովսես Բ Նովարեցին:

Հայ ճարտարապետության ազգային դեմքի կազմավորման և հետագա զարգացման առումով մեր մյուս հուշարձանների թվում Ավանի կաթողիկե եկեղեցու դերը, որպես ճարտարապետական կառուցվածք, մեծ է եղել: Այժմ կիսակործան վիճակում պահպանվող այդ հուշարձանը մեր դարավոր ճարտարապետության պատմության համար ունի անզնահատելի արժեք:

Ավանի տաճարը հետաքրքրել է շատերին: Նրա կառուցվածքային առանձնահատկությունների և ճարտարապետության վերաբերյալ հետաքրքիր մտքեր են հայտնել արվեստաբանության մեծ գիտակնները, զրվել են նաև շատ հոդվածներ՝ տարբեր առումներով, տարբեր մեկնաբանությամբ: Հեղինակների մեծամասնությունն իր ուշադրությունը բեռեղ է տաճարի կառուցման ժամանակի ճշգրտման վրա, նկատի ունենալով, որ դրա օգնությամբ պիտի հնարավոր լինի պարզել նաև տաճարի տվյալ տիպի առաջացման տեղն ու տարածման ուղիները: Թ. Թորամանյանի կարծիքով՝ Ավանի տաճարը կառուցվել է VI դ. վերջերում, Կ. Ղաֆադարյանի կարծիքով՝ VI դ. երկրորդ կեսում, իսկ ըստ հետազոտողների մեծամասնության՝ 590/591—602/610 թթ. միջև¹:

¹ Թորոս Թորամանյան, Նյութեր հայկական ճարտարապետության պատմության, Երևան, 1942, էջ 71, Կարո Ղաֆադարյան, Պատմա-հնագիտական դիտողություններ Ավանի տաճարի վերաբերյալ («Պատմա-բանասիրական հանդես», 1968, № 3, էջ 90), Н. М. Токарский, Архитектура древней Армении, Ереван, 1946, էջ 79; Р. Я. Агабабян, Реконструкция Авана («Труды ЕрПИ», Ереван, 1948, էջ 282), В. М. Арутюнян и С. А. Сафарян, Памятники армянского зодчества, М., 1948, էջ 287, А. Л. Якобсон, Очерки истории зодчества Армении, М.—Л., 1950, էջ 21, А. В. Еремян, Храм Рипсимэ, Ереван, 1955, էջ 91, Ս. Խ. Մնացականյան, Ակնարկներ հայ ճարտարապետության պատմության, Երևան, 1964, էջ 146:

Ավանի տաճարի կառուցման ժամանակի որոշումը սերտորեն պայմանավորված է Հովհան Բագարանցու կաթողիկոսական գործունեությանը ընդհանրապես: Մեր մատենագիրների հաղորդումների համաձայն, Ավանում հակաթոռ կաթողիկոսությունը հիմնվել է 591 թ.: Նույն հաղորդումներով պարզվում է, որ Հովհան Բագարանցին մահացել է 610—611 թթ. և թաղվել է իր իսկ կառուցած Ավանի եկեղեցու մոտ²:

Բ. Առաքելյանը, ի տարբերություն մյուս հետազոտողների, հիմնվելով պատմական փաստերի վրա, գրում է, որ Ավանի եկեղեցու կառուցումը պետք է ավարտված լինի ամենաուշը 602 թ., քանի որ Ավանի հակաթոռ կաթողիկոսությունը 602 թ. դադարել է գոյություն ունենալուց³:

Նոր ուսումնասիրությունները պարզում են, որ Ավանի եկեղեցին կառուցվել է ավելի վաղ: Օրինակ, Կ. Ղաֆաղարյանը գրում է, որ Հովհան Բագարանցին «անշուշտ կաթողիկոս դառնալուց առաջ իր հիմնադրած Ավանի տաճարի վանահայրն է եղել և այդ տաճարը կառուցել է ավելի շուտ, քան կաթողիկոս դառնալը... այլապես պետք է ենթադրենք, որ այդ Հովհան հակաթոռն առանց եկեղեցու է սկսել իր գործունեությունը Ավանում»⁴: Կ. Ղաֆաղարյանը այս նույն տեսակետն է պաշտպանում 1975 թ. հրատարակած իր «Նրևան, Միջնադարյան հուշարձանները» աշխատության «Ավանի կաթողիկե տաճարը» գլխում:

Ավանի տաճարի կառուցման ժամանակի հարցը քննելիս ստորև համեմատելու և զուգահեռ քննության ենք ենթարկելու Կ. Ղաֆաղարյանի և Ա. Նրեմյանի վերջին աշխատությունները, քանի որ այս երկու հետազոտողներն են, որ առավել հանգամանորեն են զբաղվել այդ հարցով: Հիշյալ երկու հեղինակներն իրենց աշխատություններում դիմում են առավելապես մատենագիրների հաղորդումներին, և եթե Կ. Ղաֆաղարյանն ինչ-որ շահով անդրադառնում է տաճարի ճարտարապետական վերլուծությանը, ապա Ա. Նրեմյանը՝ գրեթե ոչ: Մինչդեռ, ինչպես ցույց է տալիս պրակտիկան, հուշարձանների թվագրման ընթացքում առավել հավաստի հղրակացություններն արվում են հուշարձանի հետ կապված նյութների համակողմանի քննության հիման վրա, այդ թվում՝ մատենագիրների հաղորդումների, արձանագրությունների ընթերցման ու վերծանման, բուն շինության ճարտարապետական և շինարարական վերլուծության արդյունքների վրա: Նման մոտեցումը մեզ հնարավորություն է ընձեռում համաձայնելու Կ. Ղաֆաղարյանի հետ և համոզվելու, որ Ավանի տաճարը կառուցվել է նախքան Հովհան Բագարանցու՝ Ավանի կաթողիկոսական գահը զբաղեցնելը: Այլ հարց է, թե մինչ այդ Հովհանը Ավանի եկեղեցու վանահայրն էր, թե ոչ:

Այլ կարծիք է Ա. Նրեմյանը: Նա գրում է, որ «Հովհան Բագարանցու կառավարելու ժամանակամիջոցը որոշելու համար հատուկ ուշադրության են արժանի պատմիչների հաղորդումները նրա քանակեց տարի կաթողիկոսելու վերաբերյալ: Այդ ժամկետը հաստատում են Հ. Դրասխանակերտցին (X դ.),

² «Ս ե բ է ո ս ի ե պիսկոպոսի պատմութիւն», Նրևան, 1939, էջ 54, 78, ն. Ա կ ի ն յ ա ն, Մյուլրիոն կաթողիկոս Վրաց, Վիեննա, 1910, էջ 118—121:

³ «Գրական թերթ», 18. X. 1968:

⁴ «Պատմա-բանասիրական հանդես», 1968, № 3, էջ 89:

Ս. Անեցին (X դ.), Կ. Գանձակեցին (XIII դ.) և ուրիշներ»⁵: Այնուհետև նա շարունակում է. «գիտենալով Հովհաննի պատրիարքության տևողությունը (26 տարի), կարևոր է որոշել նրա կառավարելու սկիզբը (610—26=) 584 թվականը: Այս եզրակացությունը հաստատվում է Ստ. Օրբելյանի հաղորդմամբ առ այն, որ Հովհաննի Բագարանցին մինչև Կոտայք տեղափոխվելը կաթողիկոս է եղել Թեոդոսիոսից—Կարինում»⁶: Ապա Ա. Երեմյանը եզրակացնում է, որ «584 թ. նա Կարին քաղաքում ձեռնադրվել է բյուզանդական Հայաստանի քաղկեդոնական հայերի կաթողիկոս: 588/59 թթ., երբ Հայաստանի մեծ մասն անցնում է Բյուզանդիային, Մորիկ կայսրը շտապում է կաթողիկոսություն կենտրոնը Կարինից տեղափոխել հայ քաղկեդոնականներին խոր թիկունքը՝ Արարատյան աշխարհը—Կոտայք գավառի Ավան գյուղաքաղաքը»⁷: Կ. Ղաֆաղարյանը մերժում է Ա. Երեմյանի այս եզրակացությունը, գրելով, որ «Այս միանգամայն սխալ եզրակացությանը նա հանգել է պատմագրին ճիշտ չհասկանալու պատճառով: Պատմագրի այն արտահայտությունը, թե «Յովհանն ոմն Թեոդոսիոսիս եղև կաթողիկոս, և եկեալ էջ աթոռի Կոտայսն յԱրամոնս գիւղ» (Ստ. Օրբելյան, էջ 90—91), պետք է հասկանալ, որ Հովհաննը կաթողիկոս է ձեռնադրվել (կաթողիկոս եղավ) Թեոդոսիոսում և գալով՝ իր աթոռը հաստատեց (գրեց) Կոտայքի Արամոս գյուղում և ոչ թե կաթողիկոսություն է արել Թեոդոսիոսում և հետո եկել Արամոս»⁸: Ա. Երեմյանից առաջ՝ Հովհաննի կաթողիկոսություն պատմիչների նշած «26 տարուն» գումարվում էր 590 թ. և ստացվում էր 616 թ., այսինքն Հովհաննի մահանալուց շուրջ հինգ տարի ուշ: Այս հիման վրա, վերոհիշյալ «26 տարին» անհարկի համարվում էր ակներև սխալ: Ինչպես հայտնի է, Մորիկը կայսր է դարձել 582 թ. ու այդ ժամանակ նրա տիրապետության տակ էր գտնվում Հայաստանի մի մասը: Հայաստանի պարսկական և բյուզանդական մասերի սահմանն անցնում էր Կարին—Թեոդոսիոսով: Հայտնի է նաև, որ Կարինը Հայաստանի բյուզանդական մասի եկեղեցական կենտրոնն էր: Մյուս կողմից, Մորիկը նոր չէր հղանում Հայաստանը Բյուզանդիային միացնելու գաղափարը ու նոր չէր հասկանում եկեղեցու դերն այդ գործում: Հեռակաբար, հասկանալի է, որ Մորիկը այն, ինչ անում էր Հայաստանի նոր բաժանումով իրեն անցած բաժնում՝ Ազատ գետից արևմուտք, Հայաստանի բյուզանդական մասում նույնը պիտի արած լիներ ալեկի վաղ, այսինքն՝ Կարինում պիտի ստեղծած լիներ հակալուսավորչական, Դվինին հակաթոռ քաղկեդոնական կաթողիկոսություն, և որ այդտեղ էլ կաթողիկոս եղած պիտի լիներ Հովհանն Բագարանցին, ինչպես այս հաստատում է պատմիչ Ստ. Օրբելյանը»⁹:

⁵ А. В. Еремян, К вопросу о датировке кафедральной церкви в Аване, (2002 ԳԱ «Արարիք», 1969, № 3, էջ 52), «Յովհանն ոմն Գրամոսն ան կերտեցւոյ Պատմութիւն հայոց», էջ 74, Կիրակոս Գանձակեցի, Պատմություն Հայոց, Երևան, 1961, էջ 51, «Սարմուէլի քահանայի Անեցւոյ Հաւաքումը ի գրոց պատմագրաց», Վաղարշապատ, 1893, էջ 77, «Հավաքումն պատմութեան Վարդանայ վարդապետի լուսարանեալ», Վենետիկ, 1862, էջ 60:

⁶ 2002 ԳԱ «Արարիք», 1969, № 3, էջ 53:

⁷ Նույն տեղում:

⁸ Կարո Ղաֆաղարյան, Երևան, Միջնադարյան հուշարձանները, Երևան, 1975, էջ 65:


⁹ «Պատմութիւն նահանգին Սիսական արարեալ Ստեփաննոսի Օրբէլեանի արքեպիսկոպոսի Սիւնեաց», Թիֆլիս, 1910, էջ 90—91:

Սրանից հետևում է, որ հայկական եկեղեցու ստիպողական տրոհումը երկուսի տեղի է ունեցել 591 թ. շատ ավելի վաղ, մի տարբերությամբ միայն, որ Կարինի հակաթոռ կաթողիկոսությունը եղել է Դվինից հեռու և նրանց հակամարտությունը չի եղել այնպես սուր, ինչպես հետո, երբ այդ կաթողիկոսությունները աշխարհագրական առումով շատ մոտ էին միմյանց: Այսպիսով միանգամայն տրամաբանական է եզրակացնել, որ Հովհանն իր կաթողիկոսությունը նոր չէր ստեղծում. իրոք որ նա այն Կարինից տեղափոխում էր Ավան:

Ուշագրության արժանի է, որ տարբեր պատմիչներ նույն ձևով են հաղորդում մեր եկեղեցու տրոհման մասին: Նրանք չեն ասում ստեղծվեց հակաթոռ կաթողիկոսություն և կաթողիկոս դարձավ Հովհանը և այլն: Նրանք ասում են՝ հայ եկեղեցին բաժանվեց երկուսի, պարսկական մասում նստեց Մովսեսը, բյուզանդական մասում՝ Հովհանը¹⁰: Բնականորեն այն տպավորությունն է ստեղծվում, թե այդ կաթողիկոսները երկուսն էլ միաժամանակ են ձեռնադրվել: Մեզ, իհարկե, հայտնի է, որ Մովսեսը Դվինում ձեռնադրվել է դեռևս 574 թ., իսկ Հովհանը՝ ավելի ուշ, թերևս Մորիկի կայսր դառնալուց անմիջապես հետո, կամ մի քիչ էլ ուշ: Հնարավոր չէ՞ մտածել, որ պատմիչների հաղորդման այդ ձևակերպվածությունն ավելի հնից է գալիս: Հայ կաթողիկոսների ճանաչում գտած ցուցակում Դվինի կողմից շրջադրված հակաթոռ կաթողիկոսները չկան, դրա համար էլ նրանց գործունեության մանրամասները չեն հիշվում հատկապես հոգևորական պատմիչների հաղորդումներում: Այդպես էլ եղել է Հովհանի կարինյան շրջանի գործունեության հետ: Ավանի կաթողիկոսության ստեղծման և այդտեղ աթոռակալ կարգվելու ժամանակներում Հովհան Բագարանցին եղել է շատ հարգված, ճանաչված հոգևոր գործիչ: Կ. Ղաֆաղարյանի այն թեզը, թե Հովհանը նախքան Ավանի կաթողիկոսության ստեղծումը, եղել է իր կառուցած տաճարի եկեղեցւանը, քիչ հավանական է: Հովհանը պետք է կաթողիկոս եղած, մեծ և դրական գործունեություն ծավալած լիներ նման պատվի արժանանալու համար: Ավելի հավանականն այն է, որ Հովհանը, լինելով Կարին—Թեոդուպոլսի հայ-քաղվեղդնական եկեղեցու աթոռակալ, դրական գործունեություն է ծավալել ազգի և եկեղեցու՝ երկուսի տրոհված լինելու պայմաններում: Կ. Ղաֆաղարյանը, ինչպես ասվեց վերևում, համոզված է, որ Ավանի եկեղեցին Հովհանը կառուցել է նախքան Ավանի հակաթոռ կաթողիկոսության հիմնադրումը: Նրա այս կարծիքը պետք է համարել ընդունելի: Ա. Երեմյանը գտնում է, որ Հովհանը, նախքան Ավանի կաթողիկոսության հիմնադրումը, կաթողիկոս է եղել Թեոդուպոլսում: Այս կարծիքը ևս պետք է ընդունելի համարվի: Այդ դեպքում օրինական հարց է առաջանում, թե Հովհանը ե՞րբ է ժամանակ գտել Ավանի տաճարը կառուցելու համար: Համաձայն Ա. Երեմյանի, Հովհանը Ավանի հակաթոռ կաթողիկոս ձեռնադրվելով, Թեոդուպոլսից ժամանում է Կոտայք, իջնում Արամուսում, այդ ժամանակ էլ կառուցում է Ավանի եկեղեցին, ապա Արամուսից տեղափոխվում է Ավան: Սրանից ելնելով, նա եկեղեցու կառուցման սկիզբ է համարում 588/590 թթ.: Եկեղեցու կառուցմանը հատկացնելով

10 Չ. Բ. Սարգսյան, Անանուն ժամանակագրութիւն, խմբագիր յօրինելու փէ դարու ի հնարդն ժամանակագրաց, Վենետիկ, 1904, էջ 76, Ստ. Օրբելյան, էջ 90—91, Սեբեոս, էջ 54:

յոթ տարի, նա կառուցման ավարտը համարում է 595/597 թթ.¹¹: Կ. Ղաֆա-
դարյանը Ա. Նրեմյանի այս կարծիքի հետ նույնպես չի համաձայնում և գրա-
նում է, որ նա Ավանի կառուցումը մոտ տասը տարով ուշացնում է: Կ. Ղա-
ֆադարյանը միաժամանակ նկատում է, որ «Արամուսն ու Ավանը իրար մո-
տիկ գյուղեր լինելու հետևանքով Օրբելյանը շփոթել է միմյանց հետ և Ավան
գրելու փոխարեն Արամուս է գրել: Այդ երևում է նրանից, որ այդտեղ Օրբել-
յանը ոչ մի ակնարկ չունի Ավանի մասին: Ըստ Օրբելյանի, Հովհանն ոչ թե
Ավանում, այլ Արամուսում է հաստատել իր աթոռը և այնտեղ էլ մնացել»¹²:
Սակայն խնդիրն առավել ուշադիր քննելու զեպքում հնարավոր է դառնում
մեր պատմիչների թողած տեղեկությունները ճիշտ հասկանալ և առաջին հա-
յացքից միմյանց հակասող տեղեկությունները պատմիչների սխալով շմեկ-
նաբանել:



Նկ. 1. Շքամուտք Ավանի տաճարի արևմտյան ճակատի վրա:

Նկ. 2. Հետազգայում բացված մուտք Ավանի տաճարի հյուսիսային խորանի ներքնամասում:

Արդ դիմենք Ավանի շինությունների ճարտարապետական վերլուծությանը,
փորձենք դիտարկել նրա մինչ այժմ պահպանվող ավերակը, քննենք նրա
գրվագներից մեկը՝ տաճարի մուտքերի հարցը: Պարզվում է, որ Ավանի տա-
ճարն ի սկզբանե միայն մեկ մուտք է ունեցել՝ արևմտյան ճակատի վրա
(նկ. 1): Այն այժմ էլ պահպանվում է և լավ վիճակում է: Ավերակում մի
մուտք էլ կա, որ գտնվում է տաճարի հյուսիսային ճակատի կենտրոնում:
Նույնիսկ առանց հանգամանալի քննության, այդ մուտքի հետազգայում
ստեղծված լինելը կասկած չի հարուցում: Տաճարի հյուսիսային ճակատի
ներքնամասում պատը քանդել են և առաջացած բացվածքում՝ երկու կող-
քերից և վերևից նոր քարեր ամրացրել ու ձևակերպել են մուտք: Հետազգայում
գրված քարերը մինչ այդ գոյություն ունեցող պատի կանոնավոր շարվածքի՝

¹¹ ՀՍՍՀ ԳԱ «Լրաբեր», 1969, № 3, էջ 55:

¹² Կ ար ո Ղ ա ֆ ա դ ա Ր յ ա ն, Երևան, Միջնագարյան հուշարձանները, էջ 65:

հետ հարմարեցված են պակաս վարպետությունը (նկ. 2): Որ այդ մուտքը հետագա վերակառուցման արգասիք է, չի վիճարկում Ավանի տաճարով ղբաղվողներից որևէ մեկը:

Ճարտարապետական-շինարարական վերլուծությունից բացի, ավանդույթով հայտնի է, որ մեր հին հուշարձաններում արևմտյան մուտքից բացի, մի այլ մուտքի անհրաժեշտությունը դեպքում, բացվում էր հարավային կողմից: Խուսափում էին փշող ցուրտ քամիների կողմից (որոնք մեզանում հյուսիսից են) ղռներ և պատուհաններ ունենալ: Հյուսիսային մուտք ստեղծվում էր միայն այն դեպքում, երբ մի այլ շինություն հետ անմիջականորեն կապվելու անհրաժեշտություն էր լինում կամ հետագայում առաջանում: Որպեսզի պարզենք, թե ե՞րբ և ի՞նչ առիթով պիտի բացված լիներ այդ երկրորդ՝ հյուսիսային մուտքը Ավանի տաճարում, կրկին անդրադառնանք տաճարի ավերակին: Բանն այն է, որ Հովհան Բագարանցին ձեռնադրվելով Ավանի նոր ստեղծված կաթողիկոսության գահակալ, անմիջապես ձեռնարկում է կաթողիկոսարան-վեհարանի կառուցումը, որը, ինչպես ցույց են տալիս հուշարձանի պեղումներով այժմ բացված մնացորդները, գտնվում էր տաճարի հյուսիսակողմում՝ մի երկու քաչի վրա: Հովհանը վեհարանի և տաճարի միջև անմիջական (թերևս ծածկված) կապ և անցում ապահովելու նպատակով քանդել է տվել մինչ այդ գոյություն ունեցող եկեղեցու հյուսիսային խաչաթևի ներքնամասը, ստեղծելով այն մուտքը, որ առկա է ավերակում և անխաթար վիճակում է: Այս պարագան ինքնին հավաստում է, որ Ավանի տաճարը կառուցվել է նախքան Ավանի հակաթու կաթողիկոսության հիմնադրումը և նախքան Հովհան Բագարանցու գահակալությունը Ավանում, որը տեղի է ունեցել 590/591 թթ.¹³:

Հասկանալի է, որ կաթողիկե տաճարի և կաթողիկոսարան-վեհարանի միաժամանակ կառուցվելու դեպքում տաճարի հյուսիսային խաչաթևի վրա շինարարական օրինականությունը մուտք կթողնվեր ի սկզբանե: Հետաքրքիր է, որ այս նույն հանգույցում առկա է մի այլ վերակառուցում ևս՝ հյուսիսային խորանի ներքնամասում, այդտեղ բացված մուտքի աջ և ձախ կողմերում առկա է քարե շարվածք, որ 115 սմ առաջանում է խորանի բոլորակ պատից և բարձրությամբ դրեթե հասնում է մուտքի բարավորին (վերին շարքը չկա, քնկել է): Տաճարի հետազոտողներից ոչ ոք չի անդրադարձել այն հարցին, թե այդ որմնաշարքն ինչ նպատակով է տվյալ ստեղծում ավելացվել (այն ակներև հետագա հավելում է): Մենք ենթադրում ենք, որ Ավանի տաճարը 590/591 թթ. կաթողիկոսական եկեղեցու փոխարկելով, հյուսիսային մուտքի վերևում Հովհան Բագարանցու համար ստեղծվել է գահավորակ: Թերևս այդ նկատի ունենալով է, որ, նախ խիստ փոքր (մոտ 130 սմ) բարձրություն է ստացել նորաբաց մուտքը և, ապա, խորանի բավական մեծ պատուհանը փակվել է ղգալի շահերի տուֆաքար շարվածքով: Իրանով օթյակը պատասպարվել է հյուսիսից փշող քամիներից, ստեղծելով պատշաճ հարմարավետություն: Նույնպիսի պատկեր գոյություն ունի Աղթամարի հարավային խորանում:

13 Ա. Երեմյանի կողմից Հովհան Բագարանցու կաթողիկոսության սկիզբը Ավանում 588/590 թթ. համարվել էիշու չէ, պետք է ընդունել 590/591 թթ., քանի որ 588 թ. (602—14=588) պատմիչի (Natratiode rebus Armeniane) կողմից նշվում է ոչ թե իբրև Հովհանի Ավանում կաթողիկոսելու տարի, այլ Հովհանի և Մովսեսի միջև հակասությունները սրվելու տարի: Կաթողիկոսությունը չէր կարող Հայաստանի երկրորդ բաժանումից (590/591) ավելի շուտ հիմնադրվել Ավանում:

Այդտեղ նույնպես մուտքի գլխավերևում ստեղծված է Գազիկ Արծրունու օթ-յակը, ուր բարձրացող քարե աստիճանները հետագայում քանդել և կառուցել են դանդակատուն:

Այսուամենայնիվ ե՞րբ է կառուցվել Ավանի տաճարը:

Ինչպես երևում է, Հովհանն Ավանի տաճարը կառուցել է շատ ավելի վաղ և նախապես ոչ որպես կաթողիկոսանիստ տաճար, այլա դարձել է նրա եկեղեցւայանը, ինչպես ենթադրում է Կ. Ղաֆազարյանը: Այդպիսի նորաձև տաճար կառուցելը նրան դարձնում է տեսանելի, նշանավոր: Թերևս այդ ժամանակ էլ նրան հրավիրում են Կարին, եկեղեցական գործունեություն համար: Հնարավոր է ենթադրել, որ 582 թ. Մորիկը կայսերական գահ բարձրանալով, մեկ կամ ռուցե երկու տարի անց նրան դարձնում է Կարինի հայ-քաղկեդոնական եկեղեցու զահակալը: Այդ օրվանից հետո Հովհաննը չէր կարող պարսկական տիրապետության տակ գտնվող Ավանում որևէ կառուցում կատարել: 591 թ. Մորիկը պարսիկներից գրավելով Հայաստանի նոր նահանգներ և սահման ունենալով Ազատ գետը, Հովհաննին Կարինից տեղափոխում է Ավան և նրա իսկ կառուցած տաճարում հիմնադրում հակաթու կաթողիկոսություն: Մինչ այդ, երբ Հովհաննը դեռ Կարինում էր, Արամուսում կառուցում են եկեղեցի, ճիշտ Ավանի նման:

Հովհանն Կարինից ժամանելով Կոտայք, իջևանում է Արամուսում և այդտեղից ղեկավարում արդեն աթոռանիստ հռչակված Ավանի տաճարի հյուսիսակողմում գտնվող կաթողիկոսարանի շինարարությունը: Ահա այդ ժամանակ էլ նրա կարգադրությամբ, ինչպես արդեն ասվեց, քանդում են Ավան տաճարի հյուսիսային խորանի ներքնամասը և ստեղծում դուռ՝ անմիջական կապ կաթողիկոսարանի ու կաթողիկոսական դարձած տաճարի միջև: Այսպիսով, հնարավոր է դառնում եղրակացնել, որ Ավանի եկեղեցու կառուցումը ավարտված է եղել մինչ 582/584 թթ., իսկ Արամուսի կառուցումը՝ մինչ 590/591 թթ.: Կաթողիկոսարան-վեհարանի կառուցումը պիտի իրականացված լինի 591—592 թթ. ընթացքում: Ահա այդ ժամանակ էլ կաթողիկոս Հովհանն Բագարանցին Արամուսից տեղափոխվում է իր աթոռանիստը՝ Ավան: Կարինում Հովհաննի կաթողիկոս դառնալը ընդունելով 582/584 թթ. և դրան ավելացնելով պատմիչների հաղորդած 26 տարին (582/584 + 26 = 608/610), ստանում ենք ընդունված համարվող 608/610 թթ.:

Ա. Երեմյանը նկատի ունենալով Բագարանցու նախ Արամուս գալը և այսպես Ավան տեղափոխվելը, եղրակացնում էր, որ Արամուսը Ավանից վաղ է կառուցվել¹⁴: Այդ երկու շինությունների ճարտարապետական համեմատական վերլուծությամբ մենք եղրակացրել էինք, որ Ավանը նախորդել է Արամուսին¹⁵: Սակայն Ավանի կառուցման ժամանակի ճշգրտմամբ վերանում է հիշյալ հակասությունը. անկախ Բագարանցու նախ Արամուսում իջևանելու համաձայնքից, Ավանը նախորդել է Արամուսին:

Կ. Ղաֆազարյանը հակասություն է տեսնում Ա. Երեմյանի հաշիվներում և դրանից ելնելով գրում է. «Մեզ անհասկանալի են նաև Երեմյանի առաջարկած իրարամերժ թվականները: Հողվածի վերջում, եղրահանգումների՝ 7-ին կետում նա գրում է, որ Հովհաննը կաթողիկոս է եղել 584-ից մինչև:

¹⁴ А. Б. Еремян, Храм Рипсимэ, էջ 93—100;

¹⁵ Տ. Մարության, Ավանի տաճարը, 1976, էջ 46—49:

610 թվականը—26 տարի (Գանձակեցու համաձայն), իսկ մի քանի տող հետո, նույն եզրահանգումների 4-րդ կետում գրում է, որ Ավանի քաղկեդոնիկ կաթողիկոսությունը իր գոյությունը դադարեցրել է 602/603 թթ.»¹⁶: Պետք է համաձայնել, որ Հովհան Բագարանցին VII դ. սկզբում պարսկա-բյուզանդական պատերազմական գործողությունների բերումով հեռանալով Ավանից, չի դադարել կաթողիկոս ճանաչվելուց: Նա Կարինում հայ համայնքի կողմից պիտի ճանաչված լիներ որպես կաթողիկոս: Նույնիսկ այն ժամանակ, երբ պարսիկները Կարինի հայ բնակչությանը Հովհան Բագարանցու հետ միասին աքսորի են քշում Համադան, Հովհանը ճանաչվել է որպես կաթողիկոս: Այս դեպքերը զրի առնելիս պատմիչները նրան անվանում են կաթողիկոս: Եվ, վերջապես, Հովհանը մահացել է (609/611 թթ.) որպես կաթողիկոս: Կ. Ղաֆազարյանը հիմնվելով VII դ. առաջին տասնամյակում տեղի ունեցած դեպքերի վրա, Հովհանի հեռանալը Ավանից, ի տարբերություն մյուս հետազոտողների, թվագրում է 607-ով՝ 606 թ. չհաջողված կաթողիկոսական ընտրությունից հետո և նորընտիր Աբրահամ կաթողիկոսի գահակալումից առաջ: Այս հանգամանքը որևէ փոփոխություն չի մտցնում Ավանի տաճարի կառուցման ժամանակի հարցում և, հետևապես, դրա լուսաբանմանն այստեղ չենք անդրադառնում:

Ավանի կառուցման ժամանակի ճշգրտումով անառարկայական են դառնում Ավանի տաճարի վերաբերյալ մինչ այս առաջ քաշված բոլոր, ըստ էության կեղծ, տեսություններն ու անհիմն գրույթները: Ճարտարապետության ընդհանուր պատմությանը հայտնի Ավանի տիպի մյուս տաճարները կառուցվել են Ավանից հետո: Ավանը եղել է նախօրինակը, որին հաջորդները որոշ առումներով կրկնել, որից ինչ-որ կողմեր վերցրել և որին ինչ-որ ձևով նմանվել են, ապա կատարելագործվելով, նոր աստիճան կազմելով, որպես արվեստի գործեր, նոր արժեք են նշանավորել պատմական հաջորդ փուլերում:

ВРЕМЯ ПОСТРОЙКИ ХРАМА В АВАНЕ

ТИРАН МАРУТЯН

Резюме

Время возведения Иоанном Багаранци храма в Аване архитектуроведный Торос Тораманян относит к концу VI в., историк-археолог К. Кафадарян—ко второй половине VI в. Ряд специалистов полагает, что строительство храма было связано с созданием в Аване в 591 г. противопрестольного халкедонитского католикосата. А. Еремян начало возведения храма относит к 588/590 г., а окончание строительства—к 595/597 г.

Архитектурно-строительные исследования развалин храма явствуют, что его строительство было завершено до создания противопрестольного католикосата в 591 г., а именно: до 584 г., т. е. до того, как Иоанн Багаранци занял престол католикоса в Карине. Это подтверждается и тем, что во время пребывания католикоса в Карине, под протекторатом Византии, он не мог вести строительство в Аване, при персидском владычестве.

¹⁶ Կ ա Ր Ն Ղ ա ֆ ա զ ա Ր յ ա ն, Երևան, Միջնադարյան հուշարձանները, էջ 65: